

From: UUM CORPORATE COMM.
Sent: Jumaat, 19 Jun 2020 5:17 ptg
To: UUM - All Staff; UUM - All Students
Subject: PKPP: Solat Jumaat Pertama Patuh SOP



UUM Corporate Comm.
Universiti Utara Malaysia

19 JUN 2020 / 27 SYAWAL 1441H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Abdul Halim Hussain

PKPP: SOLAT JUMAAT PERTAMA PATUH SOP



UUM ONLINE: Bermulanya hari ini, warga UUM telah dibenarkan menunaikan solat Jumaat dan solat fardhu secara berjemaah di masjid selepas aktiviti keagamaan di rumah ibadat tidak dibenarkan sepanjang pelaksanaan Perintah Kawalan Pergerakan (PKP) sejak 18 Mac lalu.

Pengarah Pusat Islam, Prof. Madya Dr. Ismail Ishak berkata, Pusat Islam telah membuat persiapan awal mengikut arahan, pekeliling dan prosedur operasi standard (SOP) Jabatan Agama Islam Negeri Kedah sebelum kebenaran tersebut dilaksanakan.

Menurutnya, dalam pekeliling tersebut dinyatakan bahawa kebenaran solat Jumaat dihadkan kepada maksimum 60 orang jemaah sahaja dan solat fardhu berjemaah dihadkan kepada maksimum 40 jemaah dengan penjarakan sosial yang telah ditetapkan.

“Bagi memastikan jumlah jemaah ini tidak lebih dari yang ditetapkan, Pusat Islam menggunakan pendaftaran secara *online*, terbuka kepada staf dan pelajar UUM sahaja yang ingin menunaikan solat di Masjid Sultan Badlishah dan Masjid Imam As-Syafie Bukit Kachi.

“Mereka yang ingin menunaikan solat Jumaat boleh mendaftar melalui pautan yang telah diberikan menerusi hebahan emel oleh Pusat Islam dan pendaftaran perlu dibuat pada hari Khamis setiap minggu,” katanya.

Dr. Ismail berkata, pengesahan kehadiran akan dibuat sekali lagi oleh pegawai Pusat Islam sebelum jemaah masuk ke masjid berserta dengan pengambilan suhu badan.

“Bagi pelajar antarabangsa yang tinggal di Inapan Siswa (INASIS) Maybank, mereka diberikan kuota untuk menyertai solat Jumaat di Masjid Sultan Badlishah sahaja.

“Jemaah diminta untuk mengambil wudhu di rumah dan memakai pelitup muka serta membawa sejadah peribadi untuk menunaikan solat di kedua-dua masjid tersebut,” katanya yang mengingatkan jemaah untuk mengikut laluan khas masuk dan keluar ke dewan solat seperti yang telah ditetapkan oleh Pusat Islam.

Sebarang pertanyaan boleh berhubung dengan Ustaz Firdaus Ahmat ditalian 04-928 2565 atau 019-5758942.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.